

MEJKA RULA i uputice  
ne potpis Djelovnik  
ELISA

## UGOVOR O NABAVCI USLUGA OSIGURANJA MOTORNOG VOZILA

Zaključen dana 01.02. 2019. godine u Sarajevu između ugovornih strana:

1. **Stomatološki fakultet sa klinikama u Sarajevu, Ulica Bolnička 4a, 71000 Sarajevo, kojeg zastupa Dekan Prof.dr.sci Muhamed Ajanović (u daljem tekstu: Ugovorni organ)**

Identifikacioni broj: 4200542470007  
Poreski broj: 01073987  
Transakcijski rn: 3389002207973374

2. **Central – osiguranje d.d., Džemala Bijedića 39, Sarajevo, kojeg zastupa direktor Hamid Milak, (u daljem tekstu: dobavljač)**

Identifikacioni broj: 4202233240008  
Poreski broj:  
Transakcijski rn: 3387202213813349

### I PREDMET UGOVORA

#### Član 1.

Predmet ovog Ugovora je pružanje usluge obaveznog i kasko osiguranja vozila za potrebe Stomatološkog fakulteta sa klinikama u Sarajevu, na osnovu Poziva za dostavu ponuda br. 02-2-1-266-13/18 od 31.12.2018. godine, a u skladu sa ponudom dobavljača broj: 02-2-1-266-14/18 od 07.01.2019. godine u zahtjevu za usluge obaveznog i kasko osiguranja motornog vozila Škoda, Qodiaq, god. proizvodnje 2018.g., koja je sastavni dio ovog Ugovora.

### II UGOVORENA CIJENA

#### Član 2.

Ukupna vrijednost ugovora je **2.796,05 KM, slovima: dvijehiljadeseđamstofinadevedesetšest i 05/100 KM bez PDV-a.** (Oslobodeni od PDV-a po članu 25.stav 1. Zakona o PDV-u). Cijena je fiksna i ne može se mijenjati ni pod kojim uslovima.

#### Član 3.

Mjesto pružanja usluge je Sarajevo, Džemala Bijedića 15 , podružnica "Central-osiguranje" d.d.

#### Član 4.

Plaćanje isporučene usluge Ugovorni organ će izvršiti jednokratno po ispostavljenoj fakturi u roku od 15 (petnaest) dana.

#### Član 5.

Dobavljač se obavezuje da će za službeno vozilo Ugovornog organa osiguranja izdati policu obaveznog i kasko osiguranja.

## Član 6.

Ugovorne strane saglasne su da će dobavljač osigurane svote isplatiti u roku od 48 sati, od momenta nastanka štete i kompletiranja dokumentacije koja prati likvidaciju (obradu predmeta).

## Član 7.

Ugovor se zaključuje na period od godinu dana i stupa na snagu danom potpisivanja obje ugovorne strane.

## Član 8.

Ukoliko dobavljač ne izvrši ugovorenu uslugu iz člana 1. ovog ugovora na dan utvrđen u zahtjevu propisanim u članu 3. ovog Ugovora, ugovorni organ zadržava pravo naplate penala u iznosu od 1 % za svaki dan zakašnjenja od vrijednosti usluge, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa. Ukoliko izvršenje usluge kasni duže od 15 dana, ugovorni organ zadržava pravo jednostranog raskida ugovora. Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti. Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

## Član 9.

Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti Ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje smatraće se ono koje bitnije ne otežava ostvarivanje svrhe ovog ugovora.

Izjava o raskidu Ugovora daje se pismeno. Ugovorna strana koja je osnovano, jednostrano raskinula Ugovor ima pravo na naknadu štete prema opštim pravilima obligacionog prava o naknadi štete.

## Član 10.

Svi eventualni sporovi koji nastaju realizacijom ovog Ugovora rješavat će se sporazumno u protivnom nadležan je Sud u Sarajevu.

**Član 11.**



Ugovorne strane su saglasne da se za sve ono što nije definisano ovim ugovorom primjenjuju odredbe Zakona o obligacionim odnosima.

**Član 12.**

Ugovor je sačinjen u 4 (četiri) istovjetna primjerka, od kojih po 2 (dva) zadržavaju obje ugovorne strane.

**Za dobavljača:**  
**Central-osiguranje d.d.**  
  


Sarajevo, 04.02. 2019. godine  
Broj: 48/2019

**Za ugovorni organ:**  
**Stomatološki fakultet sa klinikama u Sarajevu**  
  
**Dekan, Prof.dr.Sci Muhamed Ajanović**  


Sarajevo, 01.09 2019. godine  
Broj: 02-2-1-266-20/18